



Мокишэръянь ВЛКСМ-нь
обкомть и Саранскяень
горкомть газетасна

Адрессь: г. Саранск, ул. Ленина 11,
телефон № 1—72.

ИЮЛЬ
24-ЦЕ ШИСТОНЗА
1937 КИЗОНЯ
81 (455)

Лисеньди ковти 12-кеть.

САРАНСК ОШЕНЬ ПАРТАКТИВСЬ— ВКП(б)-нь ЦЕНТРАЛЬНАИ КОМИТЕТТИ—СТАЛИН ЯЛГАТИ

Саранск ошень парторганизациянь партийнай активсь, пурома-
мок ВКП(б)-нь ЦК-ть июньский пленумонц итогонзон обсузданда,
кучи Тейть, партиять и минь веоб'ятнай социалистический родинане-
кень сембе трудяензон великай вождьсонды, большевистский пара-
вал.

ССР-нь Союзонь Верховнай Совету выборхень колга положе-
ниянь проектсь, конань шназе ЦК-ть пленумоц и кемохстазе ССР-нь
Союзонь ЦИК-ть IV-це сессияц, кода избирательнай закон, кона
проникнутой подлиннай народнай демократиянь идеяса и ломаньтнень
когда заботаса, кона вытекает минь Советский Конституциянькень
эзда, конаньди творецокс ащат Тон, минь келгема Сталин ялганьке.

Советтненьди од избирательнай системать коряс маластонь
выборхне ащихть серьезнай проверкак сембе партийнай организа-
циятненьди и башка эрь коммунистти, конат обязант возглавить
странать политический эряфсонза поворотть, кона содонтф мирса
самай демократический Конституциять примаманц мархта.

Саранскяень парторганизациять большевиконза максихть Тейть,
минь келгема Сталин ялганьке, обещания, што синь большевикокс
кармаихть аноклама Союзонь Верховнай Совету и трудясаень де-
путатонь Советтненьди выборхеньди, честь мархта кирьдсазъ тя
серьезнай проверкак, обеспечендасазъ Советтненьди стама ломанень
кочкамать, конат беззаветна преданнайхть Ленинонь—Сталинонь
партияцты и аф нолдайхть советонь органтненьди народонь вра-
гонь яцемат.

Саранскяень горпарторганизациянь большевикне путсазъ сембе
вийсон сяньди, штоба сембе ширьде пашкедемс ВКП(б)-нь ЦК-ть
пленумонц решениянзон социалистический велень хозяйствать произ-
водительностенц кемохстаманц и кеподеманц колга, минь респуб-
ликасонок урожайностть сяда курок касфтоманц инкса, тисазъ сем-
беть сянь инкса, штоба тонь, минь Сталин ялганьке, указаниятнень
соответствияса кемекстамс провереннай большевиконь кадраса зе-
мельнай органтнень и машфтомс троцкистский-бухаринский и бур-
жуазно-националистский вредительхень подрывной работасон по-
следствиянзон—японо германский фашизмать ся агентсон, конат су-
вамок Мордовиянь земельнай органтненьди, тисть велень хозяйствати
огромнай ущерб.

Минь социалистический родинанькень касы мощец аф лафчепцы
минь бдительностенькень. Овладевандамок большевизмать мархта и
апак сизьсек работамок массатнень йоткса минь карматама кемох-
тамонза рабочей классть диктатуранц, педа-пес лыфнемс лаугу и
пашадафтома машфнемс народонь сембе и всякай вракнень, зоркайста
ванфтомс минь большевистский партиянькень рядонзон чистотасон

Шумбра улеса минь Ленинонь—Сталинонь победоноснай, мо-
гучай партияньке.

Шумбра улеса минь родной другоньке, вожденьке и учителень-
ке великай Сталинсь.

ВАЛЕНСИЯСТА

Моску.

Большевиконь партиять Центральной Комитетонцты

Испаниянь коммунистический партиять Центральной Комитетон-
седи вакса приветствовандакше-
сы советский авиациять успехонц,
конац пашкодезе интуизмаса исп-
паниянь народнай массатнень, ко-
нат тюрихть эсь странасон неза-
висимостенц инкса испанский фа-
шизмать и интервенттнень каршес.
Эняльтяма тейть максомс минь
поздравлениянькень летчикненьди
Громовти, Данилинти и Юмашевти.
Успехнень, конатнень великай
Сталинть кеме и правильный руко-
водстванц вельде сатозень СССР-ть
социалистический строительстваса

наукань и техникань областьса,
максихть од вийхт минь наро-
донькеньди и сонь народнай ар-
миянцты ушедф наступлениять
нинге сяда тов мольфтеманцты и
минь тюреманыкень испанский и
иностранный фашизмать каршес
сатфкс марта аделаманцты, конац
ащи мирть инкса и миронь сембе
народтнень благосостояниясон
инкса тюремакс.

Испаниянь коммунистический
партиять Центральной комите-
тонц порученияц коряс.
ХОЗЕ ДИАС.

Лисьоть розень урядама

Июль 18-це шистонза „Нап-
мен“ колхозса лисьоть розень
урыдама.

Сембоц урыдаф 120 гектархт.
колхозникне работахть удар-
найста, соцсоревнованиянь ме-
тодтнень коряс.

Колхозонь председателсь

Горбушкин ялгась районнай
организациятненьди макссь обя-
зательства аделаме сьоронь
урыдамасть срока инголе.

Кудашкин И.

Старосиндровский р-н,
М. Максинский вельсовет.

КОММУНИЗМАТЬ ИНКСА НЕПРЕКЛОННАИ БОРЕЦ

Ильть 20-це шистонза минь ве-
ликай родинанькень трудяенза от-
мечали рабочей классть фкя са-
май виднейшай деятеленц, Лени-
нонь и Сталинонь вернай учени-
конц и саратниконц, партийнай
рядтнень единствасон и чистата-
сзон инкса непреклоннай борец—
Феликс Эдмундович Дзержинскийть
куломань шинц эзда сявомок 11-це
годовщинац.

Пролетарский революциянь ве-
ликай вождь Сталин ялгась, ти-
емок характеристика Дзержин-
скийть эряфонсты и деятельнос-
тенсты мьярьсь:

„Кда тyani, панжада лазк-
сть велькса, ляди мялезт
Дзержинскийть сембе йотаф
киц—тюрьмась, каторгась, ссыл-
кась, контрреволюциять каршес
тюремань Чрезвычайнай Комисси-
ясь, калафтф транспорт воссто-
новиндаманц, од социалистичес-
кий промышленностть строитель-
ствац,—хочетса фкя валса азомс
тя кипучай эряфть: **горение. Го-
рение и геройский отвага труд-**
ностьтнень каршес тюремаса.

... Аф содамок ваймама, ашезь
безырьдыкшия кодамовок черно-
вой работада, максоме сембе эсь
виензон, сембе энергияц тевти,
конань верендазе теенза парти-
ясь,—сон палсь бурнай работаса
пролетариатть пользас“.

Сембе вастова и эрь пингоня,
коса ба тяза уль Дзержинскийсь,
сон илядкшнесь пламенный боре-
цекс, революциянь железнай сол-
датокс, партияти стойкай непо-
колебимай цьоракс.

ВЧК-нь председателень постса,
меле путей сообщения Наркомонь
и ВСНХ-нь председателень постса
Дзержинский няфнезе сембе эсь
большевистский страстностенц и
рабочай классть тевенцты глубо-
чайшай преданностенц.

Дзержинскийть валоч мзярдонга
ашезь явонда тевть эзда. Больше-
вистский партиянь вернай цьора,
сон мольфтсь беспощаднай непри-
миримось сембенди, кие тяряф-
несь сяземс сонь рядонзони един-
стванзон.

Эсь революционный темперамен-
тонц сембе огненный страстенц
мархта, сон обрушился партиянь
тевть изменниконзон—троцкист-
тнень, зиновьевецнень лаугс. Сон
беспощаднайста лифнезень лаугу
и грамindaкшнезень партиянь врак-
неньди беспринципнай примерене-
нень.

Эрь эрямань мекольдень шизон-
за Дзержинскийсь уль пламен-
най революционеркс, Ленино-
Сталинский закалкань ломанькс,
незгибаемая большевикокс. Сонь ме-
кольдень выступленияц—1926-це
кизонь июль 20-це шистонза—
ВКП(б)-нь ЦК-ть и ЦККА-ть пле-
нумса уль посвященной фашиз-
мать колмонь крда презреннай
наймитонзон—Троцкайть, Зиновь-

евть, Каменевть „разоблачандамас-
нонды и тапамаснонды, конат
тюрьмась Ленинско-Сталинский
Центральной Комитетть генераль-
най линияц каршес, капитализ-
мать реставрацияц инкса.

Революциять пламенный рыца-
рец Феликс Дзержинскийсь кулось
боевой постса.

Ся пингть эзда йотась ни 11 ки-
зот. Ня кизотнень пингста минь
социалистический родинаньке не-
виданно кемекстась и кармась
панчфокс-панжема. Великай соци-
алистический революциять 20-це
годовщинацты Советский Сою-
зонь народтне сась Сталинский
Конституциять—освобожденнай
трудть хартияц мархта вооружен-
найста. СССР-нь рабочей классть
Ленинть—Сталинть великай пар-
тиянь руководстванц вельде тапа-
зень социализмать врагонзон, маш-
фтозень эксплуататорский клас-
сеннь, прокс машфтозе эксплу-
атациять, безработицать и нище-
тать. Социализмать разбитай вра-
гонзон осколкасна, конатнень вдох-
новляють и поддерживають капита-
листический окружениясь, гнус-
найхнень эзда гнуснейшай измен-
никне и родинать предателенза—
троцкистне, зиновьевецне, буха-
ринецне, буржуазнай националист-
тне и лия мастень мерзавецне,
японо-германский фашизмать ня
подлай наймитне и шпионтне тя-
ряфнесь тиес удар великай сво-
боднай народть копорезонза.

Народть подлай врагоц, родина-
ти подлай изменниксь Ягодась тя-
ряфнесь ношкпатомс рабочей
классть диктатуранц обнаженной
меченц острянц и аерфтомс(от-
вести) сонь розящай ударонзон эсь
сообщниконзон—социализмать за-
маскированной врагонзон, фашист-
ский агенттнень эзда.

Большевистский партиясь разоб-
лачандазень врагтнень проискас-
нон, сязезень маскатнень подлай
предательхнень и изменникнень
шамастост. Сталинский Централь-
най Комитетть посланцанц—внут-
ренний тевонь наркомть Ежов ял-
гать руководстванц вельде НКВД-нь
органтне меткайста, промахфтома
разят врагтнень и родинати из-
менникнень. Железной Феликсть
славнай традициянза эряхть минь
наркомвнуделеценькень героичес-
кий тевсон эса, конатнень воз-
главляет партиять вернай цьорак
Н. И. Ежов ялгась. Сембе много-
миллионнай советский народсь
кружесы кельгомаса и заботаса
НКВД-ть, лезнемок теенза фашиз-
мань сембе козынятнень и машина-
циятнень разоблачениясост. Итянь
эса советский строить виец и не-
победимостец.

ВКП(б)-нь ЦК-ть июньскый пленумонц итогонзон колга

Поляков ялгать докладонц коряс Саранск ошень партийнай активонь пуромксть резолюцияц

Кулхпенодомок и обсудиндамок ВКП(б)-нь ЦК-ть июньскый пленумонц итогонзон колга Поляков ялгать докладонц, Саранск ошень партийнай активонь пуромксь единодушно шнасьне ВКП(б)-нь ЦК-ть пленумонц решениянзон и веши ошень парторганизациять эрь большевиконц ширде нят решениятнень неуклоннаста пшкеедемаснон.

СССР-нь Верховнай Совету выборхнень колга положениять проектоц, конанц шназе ВКП(б)-нь ЦК-ть Пленумоц и кемекстазе СССР-нь ЦК-ть IV сессияц, кода неизблмай избирательнай закон, ащи Сталинскый Конституцияти идькс. Ащемок социализмань всемирно-исторический победань выражениякс, конат сатфт минь странасонк большевистский партиять и великай вождть и учитель Сталин ялгать руководстванц вельде, Верховнай Совету выборхнень колга та положениась нингя сяда касфты трудяй массатнень политический активностьснон, государствань управления синь таргамаснон, подлиннай народнай демократиять эряфс йотафтоманц и рабочай классь диктатуранц сяда тов кемекстаманц.

Верховнай Совету выборхнень колга положениась ащи ломантнень инкса Сталинскый заботань образецкс. Сон тиенды прочнай гарантия минь странанеконь гражданонон избирательнай од системать коряс праваснон эряфс йотафтомаснонды, конатнень максозень Сталинскый Конституциясь. Сон арелякшнесыне (ограждает) минь социалистический родинакенень гражданонон праваснон бюрократический элементтнень ширде возможнай покушениятнень эзда и народть врагонзон ширде всякай посягательствань эзда.

Партийнай активонь пуромксь лувондсы, што СССР-нь Верховнай Совету предстояй выборхненьди анокламась минь ошеснок и районононок моли лафчста.

Тя лисенди сянь сюнеда, што парторганизациять сембе партийно-политический работанц одукладямац, ВКП(б) нь ЦК-ть февральско-мартовский пленумонц решениянзон, та пленума Сталин ялгать докладонц и заключительнай валонц коряс, моли нинге аф удовлетворительнайста, все нинге азорондай самоуспокоенностьсь, рабочаень, колхозниконь и служащань массатнень йоткса лафча большевистский агитационнай работась.

Партийнай активть пуромксоц веши ошень комитетть, сембе первичнай парторганизациятнень и башка эрь коммунистть ширде трудяень советтненьди сай выборхненьди анокламать пүтомс центральной задачкакс. Эряви келептемс большевистский агитация массатнень йоткса, кемекстамс сотксть трудяень кели массатнень марта, возглавить синь касы политический активностьснон, обеспечендамс советтненьди минь родинанькенень инь цебарь ломанензон кочкамаснон, конат беззаветна преданнахть минь партиянькенень теветны, социализмань тевти, аф нолдамс трудяень депутатонь советтненьди народонь вракнень этдемаснон.

Сянь инкса, штоба минь ошенькенень и веленькенень сембе гражданица точнайста содалезь Сталинскый Конституциять и СССР-нь Верховнай Совету выборхнень порядкаснон, партактивонь пу-

ромксь веши ошень комитетть и первичнай парторганизациятнень ширде партийнай агитациять корянке одукс тиеманц и трудяихнень йоткса сяда курок СССР-нь Союзонь Верховнай Совету выборхнень колга положениять азондкшнеманц организовандаманц, а тяфта жа Сталинскый Конституциять омбонь крда и кржаста азондкшнеманц тяфтама расчетса, штоба ня эрявикстонга эрявикс документтне пачкедехть поголовна сембе рабочайхнень, колхозникнень, единоличникнень, кустарьхнень, служащайхнень, домохозяйкатнень и лия избирательхнень сознаниязост.

Партийнай активть пуромксоц лятфнесы сембе партийнай и аф партийнай большевикненьди, што народонь вракне, японо-германский агенттне-троцкисттне, зиньовецне, правайхне и буржуазнай националисттне—ня шпионтне, диверсантне и убийцатне кармайхть всякай ладса тяряфнема исползовандамс выборхнень эсь контрреволюционной цельсост. Партактивсь нингя весть лятфнесы, што народонь сембе вракнень разоблачениясна, корянке таргсемасна и тапамасна ащи важнейшай условникс советтненьди выборхнень успешнайста йотафтомасост, Сталинскый Конституциять эряфс йотафтомаса и минь родинанькенень коммунизмати сяда тов победнай шествиясонза.

Колхознай стройсь минь странасонк сясысь окончательна и бесповоротна. Колхозонь и совхозонь крупной социалистический хозяйствань системась тиезень сембе условиятнень оцю и устойчивай урожайхненьди, колхозникнень культурнай и зажиточнай эряфснонды. ВКП(б)-нь ЦК-ть пленумонц решениянза зерновой культурань видьметнень цебарьгафтомаснон колга ащихть тюремань боевой программас колхознай строить сяда тов организационнайста и хозяйственнойста кемекстамасонза, вельххозяйственной производствать качественнай показателензон касфтомаса, 7—8 миллиард пуд сьоронь сатомать колга Сталин ялгать указанианзон эряфс йотафтомаса.

Партия XVII-це с'ездсонза Сталин ялгась велень хозяйствань областсьа очередной задачкакс выдвинул — „севообороттнень правильной введенияснон, чистай пархнень келептемасна, земледелиянь сембе отраслятнень эзга семенной тевть цебарьгафтомац“.

Ня мероприятиятнень государствать врагонза, трудяихнень врагсна лама земельнай органа лама кизонь пингя сязендезь, вредительски шьорсезь семеноводствать и сязендезь правильнай севообороттнень сувафтомаснон. Вредительхне всякай способа тяряфнесть сязендемс зерновой культурань местнай устойчивай сорттнень производстваснон, полафнемок синь аф устойчивайса, конат местнай климатический условиятненьди аф пичкайхть. Тяфтама вредительствань фактт ульсть и Мордовиясовок, коса тя рольть пшкеедькшнесть народонь вракне, конат этцесть МАССР-нь Наркомзему.

Мокшэрянь АССР-нь земельнай органтнень эса народонь вракневятсть подрывной вредительский работа совхозно-колхознай производствать калафтоманц инкса, тундань видемань планть сяземанц инкса, крупнай и мелкай сьору жуванань поголовьять, алашатнень, тувотнень машфтомаснон инкса,

машинно-тракторнай паркть калафтоманц инкса.

Партийнай активть пуромксоц веши ошень комитетть и сембе парторганизациятнень ширде земельнай органтнень цебарь проверяф большевистский кадраса кемекстамаснон колга Сталин ялгать указанианзон пшкеедемаса большевистский мерань примамань, решительнайста таргсемок корянке земельнай органтнень эзда кяшф вракнень и машфтомок вредительствань последствиятнень.

Партактивсь путнесы сембе коммунисттнень инголи, кода боевой задачань обеспечендамс тя кизонь урожайть урядаманц юмафксфтома и с'окта инголе пшкеедемс государствать инголе обязательстватнень, организовандамок сьора урядамаса партмассовой работать, келептемок социалистический соревнованиять колхознень и МТС-нень йоткса сьора урядамань работатнень эса инь цебарь качественнай показателень и государствати высокай кондициянь зернать эсь пингстонза максоманц инкса.

Партийнай активонь собраниясь веши горкомть и райононь сембе парторганизациятнень ширде организовандамс колхознай массатнень йоткса „зерновой культурань видьметнень цебарьгафтомаса мератнень колга“ СССР-нь Совнаркомть путфксонц тонафнеманц стама расчетса, штоба мобилизовандамс колхознай массатнень тя решениять сатфкс марта пшкеедеманц инкса и кафта кизонь пингста йотамс педа-пес сембе зерновой культурань кочкаф видьмеса видеамаснонды, конат касфтовихть эрь колхозса.

Партийнай активонь собраниясь серьгадькшесыне сембе партийнай и аф партийнай большевикнень, сядонга пяк и васендакига земельнай органтнень эса работайхнень, примамс активнай участия правильнай севообороттнень эряфс йотафтомаснон колга путфксть проектоц обсуждения, организовандамс тя проектть обсужденияц широкай колхознай активть йоткса, пашадафтома тюремс теориясь и практикась вредительский элементнень каршес, конат сязендезь и кармайхть сязендемонза правильнай севообороттнень эряфс йотафнемаснон и видьменъ тевть цебарьгафтоманц.

МТС-нень работаснон цебарьгафтомаснон колга СССР-нь Наркомзетть предложенианза, конатнень ЦК-ть Пленумоц максозень обсуждения местнай партийнай и советский органтненьди, ащихть колхознай крестьянствати вельххозяйственной работатнень процесснон механизациясь, государствать ширде сяда товодонь лезксса пяк оцю мероприятиякс. Партактивонь собраниясь веши партийнай членитнень ширде, особенна МТС-нь работникнень ширде, обеспечендамс тя кизефксть цебарьняста обсужданаманц и сатомс МТС-нень работаснон качествась цебарьгадоманц.

Саранскый ошень парторганизациясь марса марнек партиять марта, неуклоннаста йотафнемок эряфс ВКП(б)-нь ЦК-ть февральско-мартовский пленумонц решениянзон и Сталин ялгать указанианзон, конатнень сон тиезень тя пленумса, сатсь кой-кодама сатфкст эсь рядонзон ароптомаса народонь вракнень-троцкисттнень, правайхнень, буржуазнай националисттнень японо-германский фашизманыня агенттнень эзда, кемекстазень эсь рядонзон, кепедезень партийнай массатнень революционной бдительностьснон. Но тя не должен минь успокаивать, сяс мес народонь кияшендф вракне нингя педа-пес лаягу атак лифтть и вредительствань последствиятне атак машфтт.

ВКП(б)-нь ЦК-ть июньскый пленумонц решенианзон эряфс йотафтомасна, конат максыхть минь странасонк социализмать кемекстамаса сяда товодонь сатфксненьди ключ, веши эрь парторганизациять, эрь коммунистть ширде революционной большевистский бдительностьть нингя сяда пяк вишкелеманц, маштомс народонь вракнень лангу лифтемаснон и пощадафтома выкорчевыванияснон, кодама ба маска алу афольхть кияшенде.

Партийнай активонь собраниясь серьгадькшесыне сембе партийнай и аф партийнай большевикнень нингя сяда теснаныста сплотиться ВКП(б)-нь ленинско-сталинскый ЦК-ть перьф, партиять и трудяихнень виликай и кельгема вождьснон Сталин ялгать перьф социализмань сембе вракнень педа-пес графтомаснон инкса, коммунистический строить полнай победанц инкса тюрема.

Комсомольский организациять юкстазь

Куйбышев ялгать лемса колхозса, комсомольский организациясь комсоргокс работай Кидяевсь. Комсомольский организациясь аф мольти кодамоков работа.

Комсоргс Кидяев ялгась 6 кофти кода аф панды членский взност. А комсомолецне целай кизонь и кафтонь киза аф пандыхть членский взност.

Комсомольский пуромкст аф эряхть. Комсомолецне ашезь то нафне Косарев ялгать докладонц, ВЛКСМ-нь ЦК-ть III-це пленумонц решениянзон.

Тяфта-жа тевсь ащи „Челюскин“ колхозонь комсомольский организациясь. Тя комсомольский организациясь ламоц комсомолецне юмафтозь комсомольский билетснон. Илядсьт 3 комсомолецт, ко-

натнень мархта аф мольтевти кодамоков работа. Комсомольский пуромкст аф эрьснхть, отчетно-выборнай пуромкс ашезь йотафтов. ВЛКСМ-нь райкомсь тя организациять юкстазе, райкомонь работникне комсомольский организацияти йофси аф лездыхть.

Одломантьтнень, ули оцю мяльсна сувамс комсомолу, но аш стама ломань, кода ба организованделезе тя тевть.

Райкомонь работникненьди кунара ни эряволь лисендемс кабинетстост и кепедемс комсомольский организациятнень эзга работать.

Рюков.

Торбеевань р-и.

Панчф пионерский лагерь

Ельники. „Мокша“ лять трвас панчф пионерский лагерь. Лагерьть перьф пяк цебарь природась. Улихть панчф, клумбат и ст. тов.

Тяса ваймьяхть рабочаень и колхозниконь идьтне, конат тонафнесть школаса аныцек отличнайста.

Лагерьса ули цебарьста оборудовандаф клуб и библиотека. Улихть музыкальной инструмент (гитарат, балалайкат, патефон и лият), ули радио.

Цебарьста ладяф физкультурно-спортивной работась. Лама пионермаксозь ни сембе кизонь норматнень БГТО-нь значокти.

С.



САРАНСКОШЕНЬ
ПИОНЕРСКИЙ
ЛАГЕРЬСА
СНИМКАСА: пионерхне занимайхть физкультураса.

Н. КРУПСКАЯ

Интереснайста, польза мархта йотафтомс лагерьхнень

Сьорма юнай пионерхненьди

Кельгема идьнат, ушедкшни тинь лагерьнай эряфонть, и эряви, штоба сон максолъ тееньть кода можна сядла лама. Мезе йортада тинь тиеньдемс? „Страннай тев!“ — мярьгихть ламотне тинь эздонтт. — Минь тонафнем, тани карматама ваймосема. Ваймосемась ваймосемати—аф фкя лаца. Ули ваймосема, конац может максомс лама и физический вийть кемекстамансты и сознательность касомансты, а может улемс и тяфтама ваймосема, конань эзда можна аныцек сиземс и глупайгадомс.

Кой-коста идьнатя лувондсазь, што ваймамась—полнай безделие, што тя—пэфтема развлечение. пэфтема состязаният.

Йотай кизоть кой-кона пионерхне корхнесть, што лагерьса ульс скучна, ашельхть лодкат, мячт и лият. Кда сашендовсь кой-мезе эсьтеест тиемс тьян ладса, кода урядамс кровать, штамс посудат, то синь жаловандакшнесть, што „сизьсесть“ тьян эзда. Конешна, мон аф йоран обобщать, но тяфтама жалобат эрясть. Тьян колга корхнесть и кой-кона вожатайхне.

Лагерьса ашемась эряви использовандамс васендакиге здоровьят и вийть кемекстамансты. Эряви кода можна сядла лама пинге улемс ульцясь, аф эряви ащекшнемс душевной комнатаса, коса налкксихть шашкаса, разумснот юамс моранхть кодама повсь литература. Эряви сембе пингть улемс кожфса, сядла лама якамс, гуляндамс. Аныцек аф эряви пяк сизьсемс. Пионерский возрастса лишнай физический напрежениясь может пяк сяземс шумбра шить, и тя тевса аф эряви панемс оцюфнень мельге. Инь важнайсь—режимсь: эсь пингстонза мадомс удома, аф моранхнемс краватьса, аф ащекшнемс час ведьса, определенной частса ярхцамс, ванфнемс гигиенань правиланень (ярхцамда инголе штамс кядьтнень, аф симоньдемс кельме ведьта, мзярда ливоськодят и стактов и стак тов).

Но тя—тевть фкя ширец. Омбоцесь, не менее важнай, тя—йотафнемс времать тяфта, штоба использовать лагерьнай эряфть сянкса, штоба добувамс привыч-

кат, конафтома мзярдонга аф арат настоящей ленинцекс, настоящей Сталинцекс. Настоящей партиецсь, настоящей комсомолецсь — нят тяфтама ломаньт, конат синьцен личнай интереснот голь полафнесазь марстонь интересонь тевти. Мезенкса сембе тяшкава приветствовандакшнесазь минь летчиконькень? Сянкса, што синь рисковали эсь эряфснон мархта, штоба тиемс перелет, конанц пяк оцю значени-яц наукати. Мезенкса сембе тяшкава восхищаются испанский геройхнень мархта? Сянкса, што синь аф эсь прыснон ужальдихть, аф синьцен идьснон ужальдихть, макссесазь сембе вийснон трудяйхнень тевснон инкса тюремат. Кда тинь кой-мезе моранхне минь коммунистический партианькень историаста, тинь содасась, кода партиецне коса повсь тиеньдезь сембень, мезе маштсь, штоба ти-емс близкийкс и шарьхкодевикс рабочайхненьди и работницатненьди, крестьянтненьди и крестьянкатненьди, сембе трудяйхненьди, конатнень мархта теест эрявсь работамс, азончнесь сян, мезе эряви тиемс, мезенкса эряви тюремс, штоба сатомс валда, просвещеннай, сембеньди радостнай эряфть-озондкшнесь, кода эряви тьян инкса пурумомс.

Кельгема идьнат, тееньть эряви воспитывать эсь эсонотт тюриень качестват Ленинонь—Сталинонь тевенц инкса.

Кажнайсь тинь эздонтт должен шарьхкодемс, што аф эряви улемс избалованнай эгоистокс, конат арсьхть аныцек сян колга, кода ба весялгакшнемс, а эряви тонадомс шарьхкодиень сельмеса ванондомс эряфти, эряви тонафнемс вятемс полезнай, общественной

работа. Аф эряви улемс зазнайкакс, эряви сембе пингть ванондомс эсь мельгат, кирьдемс пряцень эсь кядьсот, эряви тонафтомс фкя-фкянь, а аф жаловандамс, аф аварьдкшнемс: „Минь калдывста воспитандакшнесамазь“.

Общественная работась воспитандакшни сознательнай дисциплина, пуропни, тонафты сядла цебарьста содамс фкя-фкянь, лездомс фкя-фкяньди тонафнемаса, работа-са, кельгемс фкя-фкянь.

И вов лагерьса работась панчси тинь инголентт кели возможность, тинь виеньтень коряс, общественной работати.

Эряви эрямс аф замкнутайста, а подружиться лагерьхнень маласта колхозонь и совхозонь идьнатнень мархта, содамс сядла цебарьста, кода синь эряхть, кода организовандаф культурнай эряфсь велеса, и велень идьнатнень мархта марса ванондомс, мезьса и кода можете тинь лездомс тиньцен ялганьтеньди и велень эряфти, а тяфта жа ваномс мезе синьцот эряви тееньть тонадомс. Тонафтыеньть тиньцен од ялганьтень од мороньтеньди, сядла лама азон-дода ошть колга, сян колга, мезе моранхне, лездода яслятнень, детсадтнень, библиотекатнень, клубтнень, музейхнень работаснон-ды, ладяеньть всякай лаца кружокнень работаснон (электричество колга, санитарият колга и с. т.). Тяфтама работа цебарьста йотафнесть лама пионерхт.

Общественная работаса, конац эряви ванондомс марса, конань эса эряви лездомс фкя-фкяньди, тинь карматада аноклама улемс комсомолецс, конат тани кеместа кунихть работати, конац эряви минь партианькеньди, эряви минь родинайхненьди.

Ленинонь—Сталинонь тевенц инкса тюремат уледа анокт!

Мес ашезь куч пионерский лагери

Минь начальнай школастотт тяддень кизоня фкявок отлични-пионер лагери апак кучт.

ВЛКСМ-нь райкомсь тя школанть лангс кодамокок мяль ашезь шарфне и вастт пионерский лаге-

ри ашезь макс.

Кизефтьсаськ райкомть, мес Самодуровкань начальнай школаста апак кучт отличникне лагери?

Аношкин.

Ковылкинаны р-н.



СНИМКАСА: Пионерхне чистендайхть пейснон.

Нарушандакшнесазь артельть уставонц

Сталин ялгать лемса колхозса тятиень шить самс алак машфтт безобразияне. Колхозонь правлениясь кодамовок мяль аф шарфни сьора урядамать лангс. Бригадатень эса аф сембе сьора урядамань машинатненди тиф ремонт, соц. соревнования колхозникнен йоткса аш.

Тяда башка, колхозса пяк калдыа ладяф трудшинь учетьс. Кепетксьонди, плотнический звенаса работайхне нормаснон пшкедькшнесазь 200—250 проценти, но теест сембенди сьормадишнев фкя трудоши кажнайти.

Аф сяда лац аши учетьс кочкинен и тишень урядайхнен йоткса. Колхозонь правлениясь юкстазе в./х. артельть уставса 15 це статянь, коса азф, што сембе работась йотафневи сдельщинаса.

Нят сембе афсатыксне шорсихть колхозса стахановский движения. Омбоце одю афсатыкс колхозса ся, што колхозникнен йоткса кодамовок культурно-массовой работа аф йотафневи. Беседат, читкат обеденнай перерывста аф эрайхть, стенгазета аф лисеньди.

Колхознай клубонь заведующайсь Чембулаткин ялгась кодамовок просветительнай работа аф мольтфти, сон тя работать эзда пели.

Аф стак тя колхозса лама разгильдайда, конат эсь подходимский шиснон сюнеда алак работак сявихть трудошит. (Прытков ревкомиссиянь председателсь).

Районнай организациятненди эрайви шарфтомс тя колхозть лангс мяль.

Арлатовань р-н.
Кучиняева веле.

Милкин.

Аш забота

Мокшерзянь стройтрестсь тись договорохт Ульяновский и Чебоксарский стройтехникумтнен марта и кучсь энялькс Куйбышевский стройинститутти, штоба кучельхть стройтрестть распоряженияс студентт производственной практикас.

Нинге июнь ковьт васеньце шинзон эзда студенттне сасьть практика. Синь арьсесьть, што стройтрестсь васьфцийне цебарьста, шарфты практиканттен работаснонды эравикс мяль. Но тевсь лисеньди илякс. Договорхнен коряс Чебоксаронь стройтехникумста эраволь самс 7 студентонди, а сасьть 5 студентт. Синь эздост вихца примасть работама 4 студентт, а фкять кучезь горкомхозь распоряженияс. Горкомхозсь путе студентть—строительть дорожной строителствань работас, аф эсь специальностенц коряс, конань сюнеда тя студентти савсь тумс меки Чебоксару.

Студенттне, конат сасьть производственной практикас сембе эрайхть баракса, коса аш кодамовок возможность, штоба тиес эсь тевснон программас коря производственной практикас. Баракса студенттненди аш ков озамс, аш мезь лангса сьормадомс аш стулхт, шрат. Студенттне эрайхть келда потмоса. Стипендия пандыхть Ульяновский стройтехникумонь студенттненди 150 цалковайхть кошти, а Чебоксарский студенттненди—90 цалковайхть.

Комсомолець Паршинць работай цебарьста

Од—Выселкань клубонь заведующайсь. комсомолець Паршин ялгась работай пяк цебарьста. Сьоронь кочкома пингть Паршинць йотафни беседат.

Паршин ялгась колхозникненди азондкшнесы Сталин ялгать докладонц и заключительнай валонц, МАССР-нь Конституциять проектонц, аватненди моралфни газетат, журналхть и стак тов.

Паршин ялгать инициативанц вельде Од—Выселкань колхозса эркемонь шити весеть ноляви стенань газета.

Тяни Паршин ялгась аноклай штоба цебарьняста ладямс культурно-просветительнай работать сьоронь урядама пингть.

П. Конаков.

Зубунь р-н.

Пионерхнен йоткса работать юкстазь

Ковылкинань районса лама школа пионер отрядтне работась калдыа. Пионерхнен йоткса ашезь йотафнев кодамовок культурно-массовой работа. Нльня лама пинер организациятнен эса ашельхть пионервожатайхть.

Ежкань школаса пионер организацияс птай учебнай кизонь перьф ашель пионервожатай. Мекпальден пингть ВЛКСМ-нь райкомс тя пионер организацияти пионервожатайкс кемокстазе Долгова ялгать, конат мезевок ашезь йотафне пионерхнен йоткса.

Тя пионер организациять колга аф весть ульсь азондф ВЛКСМ-нь райкомти, но райкомть пионер отделонь заведующаец Трякин ялгась пионер отрядть работанц ладямансты максесь анычек обещаният.

Тяни пионерхне нолдафт каникулас и кодамовок работа синь йоткост аф йотафневи.

Тремаскин.

ИСПАНИЯС ФРОНТНЕНЬ ЭЗГА

(ТАСС-ть сообщениянзон коряс)

Центральнай фронтсь

Июль 21-це шистонза шовдава относительнай затишьяда меле, ушедовсть бойхне Брунете—Кихорна—Вильянуэва дель Пардилюсть районса. Июль 21-це шистонза шить омба пьлестонза мятежникне тисть вию атакат аф анычек вьре азф районтнен эзга, но и Вильяфранко дель Кастилють районса. Мятежникнен операциясна, конатнен лама ульсь танкасна, получакишнесть лезкс авиациять ширьде. Республиканский войскане отразили атакаснон, тя пингста противникти тиф оцю юмафкс. Куленьдевихть боень подробностьтне Вильянуэва де Ла Каньяда райоса, коса июль 20-це шистонза мятежникне упорнай бойда меле владели 660 высотать. Мятежникне йордасть атаканьди несколько тьожань пехотинецт танкат и самолетт. Атакась мольтс ветя частт. Республиканецне командованиять приказонц коряс потась 300 метрат, штоба занямсьяда цебарь позицийт. Фашисттненди тиф огромный юмафкс ломаньса и страффт кафта танкасна. Июль 21-це шистонза 660 высотать инкса бойхне мольтс переменнай успех марга. Шит 14 частста тя высотась одукс ульсь республиканецнен кядьса. Республиканский авиациясь центральный фронтса тись лама налетт и бомбардировандазень мятежникнен позицияснон Вильяфранка дель Кастилюса и противникть аэродромонзон, конат

ашихть Эскалонаса, Вильяльуэнгаса и Торихосса. Республиканецне прафтсь мятежниконь истребитель. Гвадалахарань провинциять севернай ширесонза мятежникне тьряфнесть атакондамс Альмадронесса и Гальфермососа республиканецнен позицияснон, однако, республиканецне отразили мятежникнен тьряфнемаснон. Противникти тиф оцю юмафкс.

Испанский коммунистический партиянь органць „Мундо Обрерась пердовой статьясонза тиеньди итогт центральный фронтса испанский народнай армиять успешнай операциянзонды. Республиканецне шаштсь 20 километрас и фатясть 1500-шкада лама пленнайхть. Сражениятнен эса противниксь юмафтсь веккса—кемонь тьожань боец шавфса и ранендафса. Газетась заключенисонза азонды, што аделавсь наступлениань анычек васеньце фазась, кона кармай молема.

Арагонский фронтсь

Теруэль районса республиканский войскане сьавсь позицийт, конат господствовандайхть Гвадалавья лять лангса.

Севернай фронтсь

Астурский участкас республиканецне обстреляли Овиедоса противникть военной обектонзон и Кадельяса укрепленной пунктть. Мятежникнен юмафксна пяк оцюфт. Леонский направленияс республиканецне цебарьгафтозь эсь позицияснон.

Выборхт аф йотафневихть

Йотасьть 2 кофт, кода организовадафт од районтне. Арселеть, што времась сатоль, штоба оформить партийно-комсомольский организациятнен и советский руководящей аппаратть. Но аф тьфти аши тевсь Пурдашинский районса. Районсь организовандафт колма сире районтнен эзда (Краснослободский, Темниковский и Ельниковский).

Эрайви азомс, што ВЛКСМ-нь обкомсь юкстазень од районтнен. Пурдашинский районсь тячимс алак кучт ВЛКСМ-нь райкомонь организовадамс орг. комиссия.

Тя районса комсомольский организациятнен эса отчетно-выборнай кампаниясь нинге ашезь ушед. Лама комсомольский организацият ашихть срадомань положениясь.

Велень комсомольский организациятнен эса комсомолецне политшколаса ашесьть тонафне, пуромкст ашесьть йотафнев. Тянь сюнеда комсомолець Ермаковсь венцияфтсь церькавса, лама комсомолецт якайхть, церькаву.

Мзярда на ВЛКСМ-нь обкомсь кармай лездема од районтнен эзга комсомольский организациятненди?

Исламкин.

Клубсь пькстаф

„Красный борец“ колхозса ули цебарь клуб, улихть книгат, журналхт и газетат, музыкальной инструментт и радио, но сембе тя цепностьсь аф

использовандакшневи. Клубсь пькстаф, музыкальной инструменттне и книгатне ашихть пользафтома.

Ответ. редакторть инкса П. ЕЖОВ.

Уполномоч. главлито № Д—81. Заказ № 2355. Тираж 1249.

г. Саранск типография „Красный Октябрь“.